

## Բնական կերիանդակների վերականգնում Արթիկում



### Նկարագրություն

**Բնական կերիանդակները**, որոնք **Հայաստանի տնտեսության** համար կարևոր անասնապահության հիմքն են՝ ապահովելով գյուղատնտեսական կենդանիների կերային պահանջմունքի մոտ 60%-ը, եական դեր են խաղում շրջակա միջավայրի կայունության պահպանման գործում, սակայն կլիմայի փոփոխության ազդեցությունը, մասնավորապես օդի ջերմաստիճանի բարձրացումը միջինը 1.23°C-ով և տեղումների նվազումը 10%-ով վերջին տասնամյակներում խաթարել է արոտավայրերի կենսաբանատնտեսական արդյունավետությունը՝ առաջացնելով դեգրադացիա և էրոզիա, որոնք սրում են բնակավայրերի կորուստը և կենսաբազմազանության նվազումը:



Արթիկ, Փակված քարհանքի տարածք:

**Անկանոն արոտագործումը**, համայնքամերձ արոտների **գերարածեցումը**, հեռագնա արոտների **դժվար հասանելիությունը** և **հերթափոխային արածեցման** համակարգի բացակայությունը, հանգեցնում են բուսական ծածկույթի նոսրացման 10-25%-ով, բարձրարժեք բուսատեսակների վերացման և սննդանյութերի կորստի, ինչը խաթարում է հողի ծակոտկենությունը, ջրի թափանցելիությունը և բույսերի աճի պայմանները՝ նպաստելով ջրային **Էկոհամակարգերի լճացմանը և վնասմանը**:

Այս գործընթացները առաջացնում են **շղթայական ռեակցիաներ**, օրինակ՝ միջատների բնակավայրերի կորուստը ազդում է նրանցով սնվող կենդանիների վրա, ինչը խախտում է **սննդային շղթաները** և Էկոհամակարգային հավասարակշռությունը, ընդ որում, այս խնդիրները սահմանափակում են **անասնաբուծության զարգացման հնարավորությունները** և մեծացնում **տնտեսական ծախսերը**՝ պահանջելով արհեստական միջամտություններ:

**Բնապահպանական ծրագրերի իրականացման գրասենյակի կողմից իրականացվող ծրագրերը**, ինչպիսիք են «Արթիկ քաղաքի փակված քարհանքի թափոնների և ջրհեղեղների կառավարում» ծրագրը, որի շրջանակում կատարվել են 60498.5 մ<sup>3</sup> հողային աշխատանքներ, տեղադրվել է 11571 գծամետր ոռոգման համակարգ, տնկվել 29318 **ծառ** և թուփ (այդ թվում՝ սոճի, կաղնի, հացենի, գհիի), և 600 **կգ** խոտաբույսերի սերմերի ցանք, ցույց են տալիս, որ հիմնավորված միջամտությունները, ինչպիսիք են պարարտացումը և սերմնացանը, բարելավում են կերային պաշարի որակը և

արտադրողականությունը՝ նվազեցնելով մարդածին ճնշումը 520 հա դեգրադացված տարածքներում:

Նմանատիպ միջոցառումները **Դիլիջանում, Վեդիում, Փամբակում և Տիուլետովոյում՝ «ՀՀ բնության հատուկ պահպանվող տարածքներին հարակից Էկոհամակարգերի և համայնքների հարմարվողականության կարողությունների ամրապնդում»** ծրագրի շրջանակում, կատարվել են հողի լաբորատոր անալիզներ և երկփուլ (աշուն-գարուն) պարարտացում հանքային ու օրգանական նյութերով, ցույց են տվել, որ կարելի է **վերականգնել բուսածածկը և բարձրացնել հարմարվողականությունը** կլիմայի փոփոխության պայմաններում, ինչը հաստատվում է երկրորդ տարվա ընթացքում պարարտանյութերի ծավալների կրճատմամբ:



Հողավերականգնման աշխատանքներ

Այս ծրագրերը, համաձայն **ՀՀ կառավարության 28.10.2010թ. հ.1477-Ն** որոշման, նպաստում են կենսաբազմազանության պահպանմանը, հողագոյացման ակտիվացմանը և էկոհամակարգերի կայուն զարգացմանը՝ միաժամանակ բարելավելով **սոցիալ-տնտեսական վիճակը համայնքներում**՝ լրացուցիչ եկամուտների ստեղծմամբ և բնակչության իրազեկվածության բարձրացմամբ դասընթացների ու մասնակցային մոտեցումների միջոցով:

**Վարդաքարում, Հառիճում և Նահապետավանում** իրականացված աշխատանքները, ներառյալ 620 գծամետր ցանկապատի կառուցումը և 1075 տնկիների տնկումը, ցույց են տալիս, որ համայնքների ներգրավվածությունը և տեղեկացվածությունը կարևոր են կայուն կառավարման համար, ինչը փոխում է բնակչության վերաբերմունքը շրջակա միջավայրի նկատմամբ և նպաստում է

բնապահպանական

որոշումներում

նրանց

մասնակցությամբ:



Աշխատանքներ Նահապետավան

Այսպիսով, **բնական կերիանդակների կայուն կառավարումը**, որը հաշվի է առնում կլիմայի փոփոխության ազդեցությունը և ներառում է արհեստական միջամտություններ, ինչպիսիք են ջրհեղեղների կառավարման համակարգերի կառուցումը և օդերևութաբանական կայանների տեղադրումը, ինչպես **Արթիկում**, ապահովում է էկոհամակարգերի վերականգնում, մթերատու ցուցանիշների բարձրացում և տնտեսական օգուտներ՝ խթանելով **Հայաստանի կայուն զարգացումը**:

Աիդա Սարգսյան, ԲԾԻԳ ՊՅ